

Kontuola

ANTZUOLA / Egubakoitza / 2003ko abenduaren 26a / 184. zenbakia

2003 urteari begiratua

ANTZUOLA



Era guztietako margolanak
eta fatxaden garbiketak

Zorionak eta urte berri on!

943 76 64 07 616 277 999 Antzuola

URTARRILA



"Hondartzara iritsi eta inpresioa oso txarra izan zen: haitzak beltz-beltz eginda, hondartza bera ere bai..."

MIKEL BARGAIA
GALIZIAN BOLUNTARIO IBILI ZEN
2003-01-17

ELKARTASUNA

Sahararrei laguntzeko janaria eta dirua batzen hasi ziren

Saharar Errepublika Arabiar Demokratikoaren Lagunen Elkarteak abian jarritako kanpainarekin bat egin zuten Antzuolako Udalak eta Anelkarrek.

Janaria batzen hasi ziren herrian. Batez ere, lekaleak, azukrea, atun latak, olio, zerealak, arroza eta pasta batu nahi izan zituzten. Batutako janari guztia Tindouferaino bidaltzeak sortzen

zituen gastuei aurre egiteko, berriz, dirua ere behar izan zuten. Sahararrei diruz laguntzeko Anelkarren kontuan sartu zuten dirua.

Horrez gain, Mohamed Salem Embarek Fronte Polisarioko kidea izan zen herrian. Hitzaldia egin zuen, eta saharar errefuxiatuen gaur egungo egoeraren berri eman zuen. /2003-01-24

OSPAKIZUNAK

Independentzia Eguna ospatu zuten hilaren 11n antzuolarrek

Antzuolaren independentziaren 332. urteurrena ospatu genuen urtarrilaren 11n. Azkeneko urtetan ezinbesteko hitzordu bihurtu da egun hori herrian, eta, espero bezala, jende ugari parte hartu zuen ospakizunetan.

Ohi bezala, Udal Pilotalekuan egin zituzten bazkaria eta bazkalosteko ekitaldiak. /2003-01-10




Udal Pilotalekuan egin zuten bazkaria.

OTSAILA



"Dei egin nahi nieke erretiratuei, elkartera arrima daitezen"

JOSE MARI UGALDE
ERRETIRATUEN ELKARTEKO PRES.
2003-02-07



"Hiru urte eman nituen gerran, Espainia osoan hara eta hona"

KRUZ AZKARATE
ERRETIRATUA
2003-02-14

HEZKUNTZA

Haur Hezkuntzako ziklo osoa eskatu zioten Jaurlaritzari

Eusko Jaurlaritzak 0 eta 3 urte bitartekoen Haur Hezkuntza arautzen duen dekretua indarrean jarri zuen. Hori zela eta, Antzuolako Herri Ikastetxeak zera eskatu zion Jaurlaritzari: Haur Hezkuntzako ziklo osoa jaso eta ziurta zezala Antzuolan. Horixe jakinarazi zion Herri Ikastetxeko zuzendariak Udalari osoko bilkuran, eta, jakinarazpen horrekin batera,

bere laguntza ere eskatu zion Udalari.

Osoko bilkura horretan, udalbatzak aho batez erabaki zuen Herri Ikastetxeari laguntza ematea Hezkuntza Saileko ordezkarien aurrean egin behar diren kudeaketa lanetan.

Jaurlaritzak emango duen hurrengo urratsa izango da Haur Hezkuntzaren gaineko mapa egitea. /2003-02-21

ANTZUOLA HERRIA IKERKETA BEKA

Herriko ohitura zaharren gaineko liburua

Iñigo Ramirez de Okariz historiagileak *Bizitza pasarteak Antzuolan* izeneko liburua aurkeztu zuen. Aurkezpenarekin lotuta, baserriarren antzinako jantziak izan ziren ikusgai.

XX. mendeko ohiturak aztertzen ditu Iñigo Ramirez de Okarizek liburu horretan, 1900etik 1960ra artekoak. /2003-02-21

ERREPIDEAK

Behin-behineko irtenbidea Uzarragako errepideari

Bi tokitan apurtu zen Uzarragako bidea, Azkarate baserriaren parean: Azkaraterako bidegurutzeta baino beheaxeago eta bidegurutzeta baino goraaxeago.

Gipuzkoako Foru Aldundiko arduradunek egoera horri behin-behineko irtenbidea eman zioten. /2003-02-14

POLITIKA

Gertu Gae herri plataforma aurkeztu zuten herrian

Jende mordoia elkartu zen plazan, Gertu Gae izena jarri dioten herri plataformaren aurkezpenean. Ehunetik gora lagun batu ziren herriko talde berri horren nondik norakoak jakiteko.

Herriko Plazan egindako aurkezpenaren aurretik kalejira egin zuten plataformako kideek eta herritarrek. /2003-02-28

KIROLA

Herriko gimnastak, gazteen Gipuzkoako Txapelketan

Hiru antzuolarrek parte hartu zuten gimnasia erritmikoko Gipuzkoako Txapelketan: Maialen Toledok, Iraitz Gastiainek eta Uxue Arregik.

Hilaren lehen jokatu zuten lehenengo sailkapen saioa. Maialen lehenengo izan zen, Uxue hirugarren eta Iraitz, berriz, bederatzigarren. /2003-02-14

Ondo pasau Gabonak!



Gabilondo-Arregi

harategia

ABELGORRI-OKELAREN EUSKO LABELA

Kalebarren 14 ANTZUOLA Tf. 943 76 62 90

ELAY Taldea

Zorionak eta urte berri on!

Ainhoa

drogeria

ONDO IBILI GABONETAN!

Kalebarren 13, ANTZUOLA



Ana Etxeberria

Kirol masajista • Osteopatia • Esku terapeuta
Linfodrenagista • Kiropraxia

Errekalde 6 behe. Tel: 943 76 60 13. ANTZUOLA

Zorionak denoi!

MARTXOA



"Fikzioaren bitartez, ipuinen bitartez, umeak errealitatea uler dezake"

JUAN CARLOS ALONSO
PSIKOLOGOA
2003-03-07



"Batu ditzagun indarrak, egoera aldatzen hasteko sasoiari gaude-eta"

AINHOA UGARTEBURU
SOZIOLOGOA
2003-03-21


GAZTETXEA

Udalak oinetako denda egon zen lokala eskaini zion AGAri

Maristen eraikina itxi zutenean, gaztetxe barik egon ziren gaztetxeak. Udaleko arduradunek, berriz, gaztetxea jartzeko lokal egoki baten bila jardun zuten. Mireia Unamuno alkateak azaldu zuenez, gaztetxea jartzeko moduko lokal egoki bat topatzea da lan erraza. Azkenean, gaztetxea jartzeko moduko lokal bat topatu zuten, oinetako denda egon zena, Kalebarrenean. Aukera hori esku artean zutela, Surpe

taberna itxi behar zutela jakin zuten, eta ugazabak gertu egongo liritekeela errentan emateko.

Gazte Asanbladako kideekin hartu-emanetan jardun zuten Udaleko arduradunek. Bi aldeek egindako batzarrean gazteek adierazi zieten nahiago zutela Kalebarrengo lokala. Zera esan zuten: "Ez dugu nahi lehengoan erortzea, gaztetxea taberna hutsa baino gehiago izatea nahi dugu." /2003-03-07



Udalak denda egon zen lokala aukeratu zuten gaztetxea jartzeko.

HIRIGINTZA

Erreka ikusten egon ziren Jaurlaritzakoak

Eusko Jaurlaritzako adituek, errekararen egoeraren berri izan ondoren, zera erabaki zuten: erreka lehengo bide-tik jarraituko duela, plaza azpitik, estalita. Baina, udal-letxe atzean gainezkabidea egingo dute, erreka hazita datorrenean ura handik joan dadin. /2003-03-14

HERRI IKASTETXEA

Liburutegia jartzeko batzordea sortu zuten

Herri Ikastetxeko arduradunek eta gurasoek batzarra egin zuten, liburutegia egokitzeko batzordea osatzeko. Eskolako arduradunen helburua zen azkeneko solairuan, garai batean eskolako atezainaren etxea egondako tokian, liburutegia egokitzea. /2003-03-14

APIRILA



"Zinegotzian artean ondo konpondu gara; ez dugu politikarik egin, udal kudeaketan oinarritu gara"

MIREIA UNAMUNO
ANTZUOLAKO ALKATEA
2003-04-11

HIRIGINTZA

Igerilekuak egiteko hainbat oztopo izan zituzten

Herriko gazteek eta gurasoek, batez ere, aspalditik eskatu izan diote Udalari herrian igerilekuak egitea. Aurreko agintaldian, azkenean, gaia aztertzen hasi zen Udala. Proiektua egiten hasi aurretik, Antzuolaren tankerako hainbat herrirekin harremanetan jarri ziren Udaleko arduradunak. Batekin eta bestearekin egon eta gaia ondo aztertu ondoren, hainbat irizpide zehaztu zituen Antzuolako Udalak.

Udalaren asmoa zen igerilekuak Sagasti auzoan egitea. Gune hori errepidearen ondoan dagoenez, Diputazioko Errepide Sailari baimena eskatu zion Udalak. Gune horretan, gainera, lurrag mugitzeko arriskua duenez, Udalak espero zuen hainbat neurri tekniko hartzeko aginduko ziola Diputazioak. Baina ez bata eta ez bestea. Gauza bakarra esan zuen Diputazioak: hor ez zegoela igerilekuak egiterik. /2003-04-11



Udalaren asmoa zen igerilekuak Sagasti auzoko zelaian egitea.

LARREA
TABERNA
Kalebarren 17
ANTZUOLA

MUJIKA HARATEGIA

Berezitasunak:
Etxean hazitako zekorrek eta oilaskoak
Kalebarren, 1.
ANTZUOLA
Tf. 943 76 64 34

AITZ-GARBI
taberna jatetxea

Pintxoak eta kazuelatxoak.
Bazkariak eta afariak
Kalebarren 15. Tf. 943 78 70 51
ANTZUOLA

Juan Cruz
ARGAZKIAK
Ezkontza erreportaiak
Jaunartze erreportaiak
Momentuko argazkiak
Estudioko argazkiak
BITXITEGIA
Marrokineria
Erlojuak, Bitxiak
Opari gaiak
Herriko plaza 4. Tel. 943 78 70 66. ANTZUOLA



Antzuolako EAJk
Gabon egun eta Urteberri egun guztiz on
eta zoriontsuak opa dizkizue!



Langela: Kalebarren 4
Saltokia: Herriko plaza
943 76 64 35
ANTZUOLA

Urte berri on
antzuolar
guztioi!

MAIATZA



"Itxurakeriak eta hitz hutsak alde batera utzita, ekintzetara pasatzeko garaia da oraingo hau"

ENEKO ITURBE
IKASLEA
2003-05-23

HAUTESKUNDEAK

Botoen ia erdiak lortuta, Jose Angel Zabalo alkate

Maiatzaren 25eko udal hauteskundeetan botoen ia erdiak lortu zituen EAJ-EAk, eta ondorioz, Jose Angel Zabalo dugu alkate berria datozen lau urteotarako. Udaltzatza osatzen duten bederatziz zinegotzietatik zortzi lortu zituen EAJ-EAk eta zinegotzi bat PSE-EEk.

Gertu Gae plataformari parte hartzen laga izan baliote, hiru

zinegotzi lortuko zituzkeen azken udal hauteskundeetan.

Udaletarako eta Batzar Nagusietarako hauteskundeetako boto kopuruak alderatuz gero, aldaketa handi samarrak gertatu ziren: bai EAJ-EAk eta bai AuBk botoak galdu zituzten. Kontuak eginez gero, badirudi bi alderdi horiek galdutako botoak Aralar alderdiak lortu zituela. /2003-05-30

HIRIGINTZA

Artolazabaldarren etxea bota zuten maiatzean

Simon Artolazabalen Etxea bezala ezagutzen genuena eraitzi zuten. Aspalditik zegoen etxe hura botatzeko asmoa; izan ere, etxebizitzak egiteko asmoa zegoen toki horretan. Sei etxebizitza, hain zuzen ere, egiten ari dira leku horretan, eta horrela, Aiherra inguruneke lanak amaitutzat emango dituzte. /2003-05-16



Etxe berriak egiten ari dira orain.

EKAINA



"Garrantzitsuena izango da banakakoa ondo prestatzea lehen mailan"

ARITZ BERRAONDO
PILOTARIA
2003-06-06



"Beti telebistari begira eta beti kritikatzeko aritzen gara"

ALAITZ JAUREGI
LANGILEA
2003-06-13

MANKOMUNITATEA

Enpresa Ekintzetako Zentroa zabaldu zuten Olaranen

2002ko otsailaren 4an inauguratu zuten Olaran etxea. Beheko solairua Antzuolako Udalerena da, eta hainbat erabilpen ematen dizkio solairu horri. Lehenengo solairuan KZGunea dago. Bigarren eta hirugarren solairuetan, berriz, Debagoieneko Mankomunitatearen Enpresa Ekintzetako Zentroa zabaldu zuten.

Zentro horren helburua da iniziatiba edo ekimen berriak

bultzatzea; hau da, hastera donari aukera ematea. Horretarako, lokalak lagatzen dizkie Mankomunitateak ekintzaile berriei, merkatuko prezioekin alderatuta, oso merke. Hainbat baldintza bete behar dituzte ekintzaileek lokal horiek lortzeko, eta hainbat irizpideren arabera erabakitzen du Mankomunitateak bulegoak eman edo ez. Hamaika bulego daude horretarako. /2003-06-06

UDALA

EAJ-EAko bost zinegotzik bakarrik hartu zuten kargua

Gainerako herri guztietan moduan, Antzuolan ere ekainaren 13an osatu zuten udalbatza berria. Udaltzatza osatzeko osoko bilkura berezia egin zuten Antzuolako udaletxean. EAJ-EAko hiru kargu hautatuk ez zuten kargua hartu, eta Gertu Gae plataformako hiru kidek hartu zuten parte bilkuran. /2003-06-20

HIRIGINTZA

Maristen eraikina botatzeko lanekin hasi ziren

Ekainaren azkenengo astean hasi ziren Maristen eraikina botatzeko lanekin. Egoera kaskarrean zegoen etxea hartu zuten eraikina botatzeko erabakia.

Gizarte etxe berria eraikiko dute bertan. Hainbat jarduerarako prestatuko dute gizarte etxea: zinema, gaztetxea, erretiratuendako egoitza... /2003-06-27



Mireia Alberdi bergararrak dietetika bulegoa jarri zuen bertan.



Antzuolako udala

www.antzuola.com

Zorionak eta urte berri on herritar guztioi!

SUKALDEKO HALTZARIAK
Harizki

MUEBLES
IGEA

- Sukalderako eta bainurako altzariak
- Altzari rustikoetan espazializatuak

Zurrategi plaza 4 behea • Tel./Faxa: 943 78 71 80

UZTAILA



"Berrogeita zazpi lagun guztiz baztertuak izan dira gure herrian"

PATXI OLABARRIA
LANGILEA
2003-07-11



"Kansenia herrira ura ekartzeko tutuak jartzera joan ginen Kongora"

BITTOR ARBULU
KONGON LAGUNTZAILE
2003-07-18

GAZTETXEA

Kalebarrengo lokala laga zuten Gazte Asanbladakoek

Aste Santu aurretik eman zion Udalak Gazte Asanbladari lokala Kalebarrean. Orduetik uztailera hainbat egokitzapen lan egin zituzten lokal horretan, gaztetxea jartzeko. Euren nahia zen lehenbailehen lan horiekin bukatu, eta herriko jaietarako gaztetxea zabaltzea.

Lokala lagatzeko arrazoi nagusia izan zen Udalarekin ez zutela adostasunik egin. Aurreko agintaldiko Udalarekin ados-

tasuna lortuta zuten gazteek: "Ez zegoen idatzizko hitzarmenik, baina ahozko adostasunera iritsita geunden", adierazi zuten. Orain, baina, gauzak aldatu egin ei dira; halaxe azaldu ziguten: "Azken baten, arazoa da Udalak ez duela gaztetxerik nahi, gazteleku edo gazte lokal bat baizik.

AGAKoen esanetan, autokudeaketan zuten desadostasuna; gazteek eurek nahi zuten gaztetxea kudeatu. /2003-07-04

UDALA

Hainbat eztabaida sortu ziren osoko bilkuran

Ekainaren 26ko osoko bilkuran hainbat eztabaida sortu ziren Gertu Gae plataformako kideen eta alkate berriaren artean. Plataformako kideok Udalean nolako parte-hartzea izan behar zuten gaiaren gainean sortu ziren, hain zuzen ere, eztabaidak.

/2003-07-04

ABUZTUA



"Zaletasun honek arrisku puntu bat badauka, baina hori ere oso polita eta erakargarria da"

OIHAN GEZALAGA
GRAFITI EGILEA
2003-08-29

HIRIGINTZA

Buztinzuri kalea itxi zuten urbanizazio lanak egiteko

Abuztuaren 25ean itxi zuten Buztinzuri kalea, urbanizazio lanekin hasteko. Udaleko arduradunek adierazi zuten hiru hilabetez egongo zela zirkulazioari moztuta.

Buztinzuri kalean egiten ari ziren etxebizitzak aurrera zihozten eta urbanizazio lanak egiten hasi ziren; horregatik, hain zuzen ere, itxi zuten kalea.

Alde batetik, lurzoru berria jarriko dute kale hartan eta eskolatik Sagastirako bidean; bestalde, egunkariaren saltokiaren aurreko aldean parke bat eta Ondarrera igarotzeko oinezkoendako zubia egingo dituzte. Azkenik, Txorikua etxea eraitsi egingo dute. Etxe hura botata, autoendako errepide egingo dute, Sagasti eta Kalegoi lotzeko. /2003-08-29

ELKARTASUNA

Gari-jotzea antolatu zuten Anelkarrek, dirua batzeko

Herriko jaien inguruan urtero egiten duen moduan, aurtengoa ere elkartasun festa antolatu zuten Antzuolako Elkartasun Taldeak. Aurtengoa, baina, festa benetan berezia izan zen; izan ere, dirua lortzeaz gain, garai bateko ohiturak ezagutzera eman nahi izan zituzten. Horretarako, garijotzea egin zuten. /2003-07-11

KIROLAK

Julen Garitano antzuolarra, lehen euskalduna Austrian

Austriako Karnten herrian jokatutako Ironman lasterketan lan bikaina egin zuten hiru antzuolarrek: Julen Garitano 89. postuan sailkatu zen, 9 ordu, 20 minutu eta 16 segundoko denborarekin; Karlos Baleztena 160. sailkatu zen; eta Imanol Pildain, azkenik, 765. postuan iritsi zen helmugara. /2003-07-11

EUSKARA

Idolaz elkarteak aurrera jarraitzea erabaki zuen

Batzar bereziko deialdia egin zuen uztailean Idolaz euskara elkarteak. Azkeneko urteotan aurrera egiteko izan dituzten arazoak ikusita, etorkizunean zer egin erabakitzeke egin zuten batzar berezi hori. Azkenean erabaki zuten lanean aurrera jarraitzea. /2003-07-18

ERREPIDEAK

Istripu larria gertatu zen saihebidetan abuztuaren 30ean

Arratsaldeko 17:30 aldera gertatu zen istripua. Hiru autok jo zuten elkar. Bi lagun hil ziren istripuan, 12 eta 17 urteko bi gazte, hain zuzen, eta beste zazpi lagun zauritu ziren, horietako bi larri. Guztiak kanpokoak ziren.

Istripuaren ondorioz, ertzainek itxi egin zuten errepidea eta auto ilarak sortu ziren. /2003-08-29



Bi lagun hil ziren istripuan.



Berotan estanpaturiko torlojugintza berezia

Plastiko eraldakuntza injekzio bidez



Ate eta pertsianak zabaltzeko automatismoen fabrikazioa

Ibarreta z/g 20577
Antzuola

Tel. + 34 943 78 60 09

Faxa + 34 943 78 70 34

INTERNET
<http://www.matz-erreka.com>
<http://matz-erreka.mcc.es>

IRAILA



"Hilabete osoa egin dut Lazkaoko barnetegian, eta asko ikasi dut. Zailena ikasitakoa praktikan jartzea da"

ANTONIO JURADO
EUSKARA IKASLEA
2003-09-12

ERREPIDEAK

Beasain-Durango autobiarene maketa ikusgai jarri zuten

Beasain-Durango autobiarene Zumarraga eta Bergara arteko zatia nondik pasatuko den eta zelakoa izango zen; horixe ikusi zitekeen udaletxeko osoko bilkuren aretoan.

Foru Aldundiko arduradunek espero dute 2007. urtean hastea errepide horretako lanekin; erakusketa jartzeko arrazoia izan zen alegazioak aurkezteko epea

irailean amaitzen zela. Gauzak horrela, heritarrek proiektua zehaztasun osoz ezagutzeko eta alegazioak aurkezteko aukera izan zuten.

Hasiera batean noranzko bakoitzerako errei bana egitea zehaztu zuten, baina gaur egungo proiektuan noranzko bakoitzerako bina errei egitea jasozten da./2003-09-12

FUTBOLA

Bi futbol talde berri osatu zituzten herrian

Bi futbol talde berri osatu zituzten 2003-2004 denboraldirako; erregional eta gazte mailako taldeez gain, nesken taldea eta kade-teena osatu zituen Antzuolako Kirol Elkarteak.

Irailaren hasieran ekin zieten entrenamenduei, eta iraileko hirugarren hastean hasi zuten denboraldia. /2003-09-05

HIRIGINTZA

Egurrabei pareko lanak hasi zituzten iraila hasieran

Gipuzkoako Foru Aldundiko arduradunek azaldu zigitenez, eurek *sarrerako atea* deitzen diotena egiten hasi ziren hantxe. Lanon helburua zen Deskargatik behera datozen ibilgailuen abiadura murriztea. Lan horiez gain, Beheko auzoko bidegurutzean ere egokitzapen lanak egingo dituzte. /2003-09-19

URRIA



"Haurrak beldurra galdu behar dio irakurtzeari, idazteari, sortzeari"

JOSE LUIS PADRON
IDAZLEA
2003-10-10



"Arrisku egoeran dauden umeekin lanean jardun dut Caracasen"

MARINA REINOSO
VENEZUELAN EGON ZEN GKE BATEKIN
2003-10-17

HIRIGINTZA

Hirigune Historikoaren gaineko plana onartu zuten

Herriko hirigune historikoari dagokion plan berezia onartu zuten urriko osoko bilkuran udalbatzak. Behin-behineko dokumentua onartu zuten; behin hori onartuta, hilabetez jendaurrean jarri zuten plana, nahi zuenak alegazioak aurkez zitzen.

Hirigune Historikoa Birgaitzeko Plan Bereziaren helburua da herriaren gune hori babestea eta zaintzea, baina,

era berean, baita bertako bizi-lagunen bizi kalitatea eta eraikinen kalitatea bera hobetzea ere.

Irizpide zehatzak markatzen ditu planak eraikinei eta gai urbanistikoei dagokienez. Besteak beste, hiriguneko eraikin guztiak banan-banan aztertu zituzten eta bakoitzaren gaineko irizpideak markatu; hainbat kategoriatan banatu zituzten eraikinak. /2003-10-10



Plan berezi horren helburua da hirigune historikoa babestea eta zaintzea.

ETXEBIZITZAK

Azkeneko bi urteotan zazpi igogailu jarri dituzte etxebizitzetan

Udala dirulaguntzak ematen hasi zenetik, zazpi igogailu jarri dituzte herriko zazpi etxetan.

Irisgarritasun arazoei aurre egitea izan zen dirulaguntza horiek onartzeko arrazoia duela bi urte. 1960ko eta 1970eko hamarkadetako etxebizitza ugari dago Antzuolan, eta horietako askok ez zuten igogailurik. /2003-10-03

INTERNET

Antzuolaren gaineko webgunea aurkeztu zuen Udalak

Internet azkenaldian hartzen dabilen indarra ikusita, Udalak aspalditik zuen webgunea egiteko asmoa. Azkenean, sarean dugu Antzuolaren gaineko informazioa eskaintzen duen webgunea.

Udaleko arduradunen helburua da bai herritarrengana eta bai kanpotarrengana iristea Internet bidez. /2003-10-17

TXOMIN GARAJEA

Mekanika orokorra



Tailer profesionala

IAT/ITVrako prestaketa

ZORIONAK
GUZTIO!!

Lizarraga auzoa. Antzuola. Tel. 943 78 70 77

HARATEGIAK



Kalebarren 1. Antzuola.
943 76 64 84

*Gabon
zoriontsuak
eta urte
berri on*

opa dizkizuegu!



Komenio kalea 2. Bergara.
943 76 10 72



IGELTSEROTZA
Jose Luis Zabalo

Kalegoi 9, 1. solairua
ANTZUOLA.
Tel./Faxa: 943 76 60 89

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**

AZAROA



"Jostailuak umeari eskainiko dionari begiratu behar zaio"

ITZIAR BARTOLOME
HEZITZAILEA
2003-11-07



"Datorren ikasturterako 0-3 urteko zikloa jartzeko asmoa dugu ikastetxean"

MARIA JESUS ITURBE
PAUSOKAKO LEHENDAKARIA
2003-11-21

ERREPIDEAK

Herrirako sarrera hobetzeko lanek itxaron egin beharko dute

Azaroaren hasieran jaso zuen Udalak Beheko auzoko herrirako sarreraren obrak egiteko eskararen erantzuna. Gipuzkoako Diputazioak ezezkoa eman zuen, diru nahikoa ez dagoela argudiatuta. Urte batzuk itxaron beharko dira, hortaz, aldaketa egiteko.

Hala ere, Udala ez dago bate-re ados erabaki horrekin, herrirako sarrera hori oso arriskutsua dela uste du-eta.

Aldaketa egiteko proiektua aspaldi zuten prestatuta Diputazioako Garraio arduradunek. Obrak egiten direnean, Bergara aldetik datozen autoek herrira sartzeko bi errei gurutzatu beharrean bakarria gurutzatu beharko dute. Gaur egun eskuinekoa den bidea herrira doazenez itxaroteko erabiliko da; gora jarraitzeko bidea, berriz, Lapatza base-riari lur zati bat kenduta erai-kiko da. /2003-11-07



ELKARTASUNA

Anelkar, bost urtez Hirugarren Munduari laguntzen

Anelkar sortu zen arte, Antzuolan hainbat elkartasun talde zeuden, nor bere aldetik lanean. Duela bost urte beren indarrak elkar-teea erabaki zuten behar-ean zeudenei hobeto laguntzeko. Bosgarren urteurrena ospatzeko babarrun-jana antolatu zuen Anelkarrek. /2003-11-14

GAZTEAK

Udala gazteen beharrak aztertzen hasi zen

Antzuolako zenbait gaztek asteburu arratsaldeak igarotzeko leku egokirik ez dutela eta, horien beharren inguruko hausnarketa egiten hasi zen Udala. Antzuolako gazteen egoera ikertzeaz Arrasateko Txatxilipurdi elkar-tereko kideak arduratu ziren. /2003-11-14

ABENDUA



"Jubilauendako lokal berrixa, etxe babestuak eta egunerako ospitala martxan ikusi nahiko giñuzke 2004ian"

KARMELE SAN SEBASTIAN
ERRETIRATUA
2003-12-12

GABONAK

Inoiz baino Gabonetako argi gehiago jarri dituzte

Gabonak abenduaren hasieratik sumatu dira herrian, Udalak kaleak argiekin apaindu baitzituen. Hala ere, egunik garrantzitsue-na Gabon eguna izan da. Herri Ikastetxeko haurrek kalejira egin zuten goizean, eta arratsaldean presoen aldeko kalejirak eta herriko abesbatzarenak alaitu zituzten kaleak.

Beste urte batzuetan baino Gabonetako argi gehiago jarri ditu aurten Udalak herriko kale-

etan, eta abenduaren 5ean piztu zituzten lehenengoz. Udalaren helburua argiak herri osoan jartzea izan da, eta ez herrigunean bakarrik. Herriko hogeita bi kale-argitan izar itxurako argiak eta herriko bi sarreretan *Zorionak* zioten argiak jarri dituzte. Aurreko urteetan baino diru gehiago erabili du Udalak argien alokairu eta muntaketa lanetan, 4.000 euro lehenengoan eta 2.000 bigarrean. /2003-12-05



Izar itxurako hogeita bi izar jarri dituzte herriko kale argietan.



DESKARGA AUTOAK

URTE BERRI ON!

Antigua auzoa z/g Antzuola.
Tel. 943 76 62 75

Itzar

**LIBURU DENDA
ESTANKOA**

Zorionak guztioi!

Kalebarren 1
ANTZUOLA
Tf. 943 76 60 62

T A L L E R E S
J. NAVARRO, S.M.
D E C O L E T A J E

Gabon zoriontsuak antzuolar guztioi!

Antigua auzoa z/g Antzuola.
Tel. 943 76 64 66



INDUSTRI MANTENIMENDUA

*Jose
Gomez
Abad*

**Zorionak
danoi!**

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

**OKINDEGIA
GOXOTEGIA
DAZTAKETA
KROISSANTEGIA**

**ONDO PASAU
GABONETAN!**



ALTZARTE

Kalebarren 18. 943 76 62 94

ESPEZIALISTA BATEN BERMEAREKIN

GOIZPER KOOP. ELK.

MATABI IHINZTAGAILUAK

- NEKAZARITZAN, LORATEGIAN, INDUSTRIAN, ETA ETXEAN TRATAMENDUA EGITEKO IHINZTAGAILU ETA HAUTSEZTAGAILUAK.

GOIZPER TRANSMISIOAK


- ENBRAGEAK, BALAZTAK
 - PNEUMATIKOAK
 - HIDRAULIKOAK
 - MEKANIKOAK
 - ELEKTROMAGNETIKOAK
- ESPEKADUN ETENKAKO BIRAGAILUAK
- ESPEKA BEREZIAK

ANTIGUA 4 - 20577 ANTZUOLA (Gipuzkoa)
 211 POSTA KUTXATILA - 20570 BERGARA
 TEL: 943 786000
 FAXA: 943 766008 - 943 787095
 E-MAILA: goizper@goizper.com
 Web gunea: www.goizper.com



➤ Eguzki Auzoa, 5 behea
 20577 Antzuola (Gipuzkoa)
 www.fbs.es / soporte@fbs.es
 tel. +34 943 766 513
 fax +34 943 766 514

enpresentzako gestio softwarea



fbs-k VISUALEKUS gestio programa informatikoak garatu ditu eraikuntza alorrekin zerkusia duten enpresei zuzenduta. Enpresa bakoitzaren ezaugarrien arabera, aukera desberdinak eskaintzen ditugu.

Bestalde, iturgintza, gas eta berogailu instalazioan lan egiten duten enpresek ITURBAT Datu Basea dute eskuragarri.

- informatika aholkularitza · gestio programa pertsonalatuak
- datu baseak · sare informatikoen instalazioa · web orrien diseinua
- multimedia katalogoak · domeinu gestioa